



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 01-07/02-04-32093-~~24~~4/24
Sarajevo, 23. 12. 2024. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: *Odgovor, dostavlja se*

Cijenjeni,

Zastupnica u Skupštini Kantona Sarajevo **Marijela Hašimbegović** u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“ broj: 41/12, - Drugi novi prečišćeni tekst 15/13, 47/13, 47/15, 48/16, 9/20, 14/20, 16/22 i 17/22 - Ispravka), u okviru 16. radne sjednice Skupštine Kantona Sarajevo, uputila je zastupničku inicijativu.

Zastupnička inicijativa:

Upućujem inicijativu sa ciljem zaštite sigurnosti djece i maloljetnika, kao i sprečavanja ugrožavanja nastavnog procesa usljed kontinuiranih prijetnji školama i dojava o postavljenim bombama u osnovnim i srednjim školama u Kantonu Sarajevo. Usljed ovakve izvanredne situacije predlažem sljedeće mjere:

1. Prilagođavanje uslova rada i nastavnih sadržaja u nastalim izvanrednim okolnostima,
2. Izuzeće o primjeni Pravilnika o ocjenjivanju učenika jer u ovim uslovima Pravilnik nije primjenjiv,
3. Sa posebnom pažnjom voditi računa o učenicima devetog razreda koji polažu eksternu maturu u smislu prilagodbe nastavnih sadržaja i svih drugih aktivnosti,
4. Sa posebnom pažnjom tretirati ove izvanredne okolnosti u vezi ocjenjivanja vladanja za djecu i maloljetnike obzirom na činjenicu da ovakve dramatične okolnosti u djeci izazivaju strah od dolaska u školu izazvan prijetnjama kojima su izloženi.

Odgovor:

Ministarstvo za odgoj i obrazovanje je školama dostavilo zaključke sa sastanaka, održanih 15. 10. 2024. godine sa Vijećem roditelja učenika osnovnih i srednjih škola Kantona Sarajevo i 16. 10. 2024. godine sa Vladom Kantona Sarajevo, u vezi navedene problematike (preporuke za škole). Također, Ministarstvo je 31. 10. 2024., 07. 11. 2024. i 21. 11. 2024. godine ponovo održalo sastanke sa predstavnicima Vijeća roditelja učenika osnovnih i srednjih škola Kantona Sarajevo, te su doneseni određeni zaključci.

Želimo Vas informisati da su odgojno-obrazovne ustanove 21. 10. 2024. godine od Ministarstva za odgoj i obrazovanje Kantona Sarajevo, a u vezi problematike lažnog prijavljivanja o postavljenoj bombi u školi zaprimili sljedeće upute:

1. Obaveze škola u postupku evakuacije: Sve škole su dužne postupati prema protokolu evakuacije, koji je jasno propisan Pravilnikom o provođenju mjera odgojno-obrazovne podrške i stručnog tretmana učenika („Službene novine Kantona Sarajevo“, broj: 33/24). Ministarstvo za odgoj i obrazovanje Kantona Sarajevo, Institut za razvoj preduniverzitetskog obrazovanja aktivno će nadzirati primjenu ovih mjera.
2. Psihosocijalna podrška učenicima: Stručne službe škola obavezne su osigurati odgovarajuću psihosocijalnu podršku učenicima, u skladu sa potrebama učenika koje procjenjuju školski psiholozi i drugi stručni saradnici.
3. Podizanje svijesti o krivičnim djelima: Škole su obavezne da informišu učenike o posljedicama lažnih dojava o postavljenim bombama, te da ih upute na činjenicu da takva djela predstavljaju krivična djela. Škole trebaju realizovati edukativne razgovore i aktivnosti s učenicima o neprihvatljivim oblicima ponašanja te da se svako neprihvatljivo ponašanje otkrije i koje može rezultirati sankcijama, uključujući i krivične postupke protiv roditelja maloljetnih učenika.
4. Saradnja sa roditeljima i zajednicom: Škole su obavezne organizovati roditeljske sastanke na kojima će, u saradnji sa policijom u zajednici, informisati roditelje o zakonskim posljedicama lažnih dojava koja u svojoj suštini sadrže dva krivična djela (lažno prijavljivanje i ugrožavanje sigurnosti). Vijeće roditelja svake škole će pomoći u jačanju svijesti roditelja o nadzoru djece, naročito u jačanju roditeljskih kompetencija vršenja roditeljskog nadzora ponašanja učenika u digitalnom prostoru.
5. Kontinuitet obrazovnog procesa: Škole će nastaviti poduzimati mjere i radnje u skladu sa propisanom procedurom, a prije svega uvažavajući najbolji interes učenika, s ciljem osiguranja kontinuiteta odgojno-obrazovnog procesa u školskim klupama, posebno vodeći računa o prilagođavanju kalendara pismenih provjera znanja, kao i procesa ocjenivanja uopće.

Prema informacijama zaprimljenim iz škola, prosvjetni radnici i učenici uspješno završavaju sve aktivnosti, kako bi se u skladu sa propisanom procedurom okončalo prvo polugodište školske 2024/2024. godine.

S poštovanjem,



Dostaviti:

1. Naslovu
2. A/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba